

Projekat razvoja tržišne poljoprivrede II (FARMA II)

Program pomoći švedskog i američkog naroda

Zahtjev za ponudu: Organizacija studijskih posjeta za savjetodavce

Projekat Sweden/USAID FARMA II je usmjeren na razvoj poljoprivredno-prehrambenog sektora u BiH i pruža podršku u sektorima mljekarstva, peradarstva, voća i povrća, ljekovitog i aromatičnog bilja i pčelarstva. Projekat pruža tehničku i finansijsku pomoć organizacijama iz privatnog sektora, te saraduje sa javnim sektorom u cilju ostvarivanja potrebnih regulatornih promjena koje ograničavaju razvoj poljoprivrede.

Od potencijalnih davaoca usluga vezanih za organizaciju studijskih posjeta u Sloveniji (za poljoprivredne savjetodavce iz javnog sektora) očekujemo da daju ponudu na osnovu sljedećih parametara:

1. Modul 1: Uzgoj i prerada medicinskog i aromatičnog bilja

Ovaj modul trebao bi obuhvatiti nekoliko oblasti: Uzgoj i prerada: Čili paprika (uzgoj za medicinske svrhe i specifičnosti uzgoja; prerada za ishranu i za medicinske svrhe (oleoresin capsicum)); kamilica, neven, lavanda, matičanjak, smilje (uzgoj, specifičnosti uzgoja, prerada); Tokom studijske posjete očekuje se kombinovani teoretski i praktični rad sa manjom grupom savjetodavaca.

2. Modul 2: Mljekarstvo - Razvoj novih proizvoda (fokus na nove vrste sira)

Edukacije iz oblasti mljekarstva trebale bi biti na temu proizvodnje sira i sporednih proizvoda pri proizvodnji sira (proizvodnja sira, maslaca, jogurta i kefira na gazdinstvima, nus-proizvodi pri proizvodnji sira i korištenje istih).

3. Modul 3: Inovativne tehnike u proizvodnji povrća

Posmatrani model trebao bi obuhvatiti sljedeće teme: proizvodnja povrća (paradajz, paprika ljuta i slatka paprika, bijeli luk, peršun, celer); dehidracija povrća; supstrati u proizvodnji rasada povrća i zaštita rasada od bolesti i štetnika; hidroponski uzgoj povrća; navodnjavanje u povrtlarskoj proizvodnji.

4. Modul 4: Inovativne tehnike u proizvodnji voća (jabuka, kruška, šljiva)

Predviđeno je da ovaj modul pokrije sljedeće teme: Upotreba inhibitora rasta mladara tokom vegetacije; Kontrola korova u zasadima; Usporavanje razmnožavanja populacija štetnih insekata u voćnjacima.

5. Modul 5: Klustersko organizovanje i upravljanje klasterima

Projekat razvoja tržišne poljoprivrede II (FARMA II)

Program pomoći švedskog i američkog naroda

Predviđeno je da ovaj modul pokrije sljedeće teme: Uloga klastera u poljoprivredi / uloga u poboljšanju kvaliteta proizvoda, udruživanje sredstava, promocija lokalnih brendova, povezivanje s tržištem, stimulisanje uključivanja žena i mladih u poljoprivredu; Dodatna valorizacija poljoprivrednog sektora (brendiranje poljoprivrednih proizvoda, umrežavanje poljoprivrednog sa drugim sektorima privrede i sl.); Sistem znanja i informacija u poljoprivredi (AKIS), s posebnim naglaskom na savjetodavstvo.

6. Modul 6: Mehanizacija

Predviđeno je da ovaj modul pokrije sljedeće teme: Značaj i uloga kvalitetne obrade na prinos poljoprivrednih usjeva; Tehnike oranja na različitim terenima; Izbori plugova za različite tipove zemljišta; Automatsko vođenje i upravljanje poljoprivrednim mašinama i uređajima.

7. Modul 7: Agroturizam

Predviđeno je da ovaj modul ponudi teoretska i praktična saznanja o mogućnostima koje agroturizam donosi komercijalnim poljoprivrednim gazdinstvima za povećanje prihoda i diverzifikaciju proizvodnje, pogotovo kada se radi o proizvođačima koji su u blizini urbanih centara. Očekuje se da ovaj modul ponudi i informacije o uspješnim mjerama podrške za razvoj agroturizma, te da ukaže na najveće izazove u transformaciji poljoprivrednog gazdinstva u agroturističku djelatnost.

Za sve navedene module ukupno trajanje studijskog putovanja je 5 dana (4 noćenja), odnosno savjetodavci bi bili na lokaciji obuke od ponedjeljka prije podne do petka popodne. Očekivani broj učesnika za studijska putovanja za sve module je 5 savjetodavaca.

Za module 1-3 obuka bi za sve proizvode trebala uključiti i osvrt na marketing i prodaju, te promociju posmatranih poljoprivrednih proizvoda (eventualno i grafički dizajn proizvoda).

Poziv je namijenjen za organizacije / kompanije (ne za individualna lica).

Ponuda treba da sadrži:

- Ukupne troškove organizacije za svaku od planiranih studijskih posjeta po detaljima navedenim gore;
- Okvirni programa posjeta za organizaciju svakog modula studijskog putovanja, kao i biografije ključnih predavača.
- Uz ponudu dostaviti kratki opis ponuđača sa navedenim iskustvom u organizaciji i pružanju usluga edukacije iz traženih tema u posljednjih 5 godina,
- Referenc listu klijenata za zadnjih pet godina.

Projekat razvoja tržišne poljoprivrede II (FARMA II)

Program pomoći švedskog i američkog naroda

Ponuda ne treba da uključuje troškove prevoza, hotelskog smještaja i ishrane tokom studijskog putovanja. Valuta za ponudu je EUR i treba da uključuje sve troškove (PDV ukoliko je primjenjiv).

Sweden/USAID FARMA II očekuje da organizuje studijske posjete po navedenim modulima za odabrane savjetodavce do kraja ove godine.

Ponudu dostaviti **najkasnije do 20. marta 2020. godine u 17:00 sati**, na engleskom ili jednom od jezika BiH, putem email adrese info@farmabih.ba.